




Il manader dal proget, Martin Weber da la Swissgrid e Peter Molinari, directur da las OEE d'urant la preschantaziun dal proget da rinforzar la lingia d'ota tensiun tanter Pradella e La Punt-Chamues-ch.



Quia as vezza (a dretta da la fotomontascha e skizza) in che möd cha'ls pilasters da la lingia electrica tanter Pradella e La Punt-Chamues-ch dessan gnir nüzzats in avegnir.

FOTOS M. FONTANA

Eliminar il punct debel dal transport d'energia

Proget d'adattar la lingia d'ota tensiun cuosta circa 100 milliuns francs

DA MARTINA FONTANA / ANR

■ In gövgia han infuormà las **Ouvras Electricas d'Engiadina (EKW) sco eir la Swissgrid a regard il proget da schlargiar las lingias da forz'electricca d'ota tensiun tanter Pradella e La Punt-Chamues-ch. Quel dess eliminar il punct debel da la rait chi sgüra il transport d'electricità in tuot l'Europa e cuosta tanter 80 e 100 milliuns francs.** Ils pilasters da la lingia da forz'electricca da 380 kilovolts, chi's rechattan tanter Pradella e La Punt-Chamues-ch sun per gronda part fingià pronts per transportar in avegnir daplü electricità. Quai vain fat cun realisar sül trajet da tuotats duos varts portadras horizontalas dals pilasters trais fils d'electricità da 380 kilovolts. Fin uossa exista nempè be ün da quels e quai sün la vart dretta dal pilaster. «Causa cha la dumonda per energia netta dvainta adüna plü gronda ed ils circa 50 kilometers da lingias electricas existents tanter Pradella e Martina fuorman per uschè dir ün punct debel per la sgürezza da transport e furniziun d'energia s'haja fingià dal 1993 cumanzà a lavurar vi da quist proget per ingrondir quista lingia d'ota tensiun», ha declerà il directur da las

OEE ad üna conferenza d'infuormaziun pels mezs da massa. Cha uossa as saja pront per inoltrar il proget ad instanzas chantunalas e federalas.

Ün proget chi vain sustgnü eir da la confederaziun

«Perfin il cussagl federal resguarda l'ameglrdramaint dal trajet sco fich important», declerà Molinari il fat cha la lingia d'electricità tras l'Engiadina vain interpretada sco «colliaziun strategica da la rait da forza d'ota tensiun naziunala». Quista lingia es gnüda fabricada da ils ons 1960 per transportar l'energia produida da las OEE chi d'ieran eir proprietari da la lingia fin l'on 2006, cur cha l'OEE ha vendü la lingia a lur acziunaris (Alpiq, Axpo, BKW, CKW, EGL e Repower) in vista da la liberalisaziun dal marchà da la forz'electricca. Tenor la ledscha dal provedimaint electric (liberalisaziun dal marchà da forz'electricca) vegn la Swissgrid, l'Associazion naziunala da las raits svizras, quist on (2012) proprietari da tuot las raits da la plü ota tensiun (220 e 380 kilovolts). In quist connex surpiglia la Swissgrid eir quist proget chi stess gnir inoltrà amo in favrer da quist on. In

quel proget sun eir integradas masüras chi han da chefar cun la protecciun da l'ambaint. «La ledschas in quel connex sun rigurusas, ma vegnan in quist proget però resguardadas fich bain», ha declerà il manader dal proget, *Martin Weber* da la Swissgrid.

Dals müdamaints nu's vezzaraja blier

Ultra cha a Pradella pro la centrala da las OEE ston gnir fabricadas duos novas pütta nu's müda il purtret da la rait chi maina tras l'Engiadina fermamaing. Tuot ils oters 126 pilasters existents restan plü o main uschè sco chi sun. Pro 18 dad els sto unicamaing gnir dozzada l'otezza per tanter tschinch fin ot meters, 55 da quels ston gnir rinforzats ed ulteriurs 13 pilasters survegnan ün piz. Per Ova Spin gnarà fat ün nouv concept d'attach e per la transmissiun da datas ect. as stuvarà eir far ponderaziuns. Be la sanaziun e l'ingrondimaint da la lingia existenta tanter Pradella e La Punt-Chamues-ch vain a cuostair tenor prümas calculaziuns circa 30 milliuns francs. Ulteriurs 50 fin 70 milliuns francs staran gnir investits, tenor las calculaziuns intant amo ter intscheras, per masüras da cumpensaziun e.u.i.

Chi paja a la fin dals quints ils cuosts?

Scha'l proget da rinforzar la lingia d'ota tensiun tanter Pradella e La Punt vain realisà restan ils cuosts pro'l proprietari, dimeina pro la Swissgrid. Ella scumparta quels però als consüments da forz'electricca da tuot la Svizra. «Sül quint da forza as vezza ils cuosts per la forz'electricca e pel transport da quella», declerà Molinari detagls in chosa. Cha'l transport da forz'electricca vegn effectuà sün set levels da tensiun e cha las prümas duos da quellas appartegnan da quist on davent apunta a la Swissgrid. Cha perquai nu stopchan ils consüments neir na avair temma da stuvair pajar predschs blier plü ots. «Actualmaing s'amuntan ils cuosts da transport sülla rait da la Swissgrid in Engiadina a tanter 0.4 e 0.8 raps per ura kilowatt. Cün la realisaziun da quist proget nu gnaran quist cuosts augmentats ferm», precisascha'l.

Uossa vain la planisaziun dal proget inoltrà ad instanzas chantunalas e federalas. In mai da quist on vegnan publichats ils plans. Schi nu vain fatta opposiziun ed inoltrats recuors pudessan las lavuors dal rinforzimaint da la lingia dad ota tensiun gnir cumanzadas la mità da l'on 2013.

Fundà la grupp «entrada da basa sainza cundiziuns»

■ (cp) Als 14 schner 2012 s'ha fuondada a Scuol la grupp da lavur «entrada da basa sainza cundiziuns» cul böt da sporscher üna plattforma da discussiun in vista a l'iniziativa federala dal pövel chi gnarà iniziada als 21 avrigl 2012. La grupp es neutrala e's basa sülla democrazia fundamentala d'ün stadi da dret. Il böt es cha la grupp crescha e dvainta ün muvmainat da basa.

L'entrada da basa sainza cundiziuns vain fingià dispö lösch discussa, impustüt eir in Germania. Entradas da raps douvra mincha uman, independent da quai ch'el praista o sch'el lavura o na. Üna entrada fundamentala sainza cundiziuns e perquai la fuorma politica moderna. La finanziaziun es pussibla schi'n's vuol. L'entrada fundamentala spordscha a minchüna ed a minchün üna basa sgürada per la creaziun da valor autonoma infra e dadour il lavurar. Raziunalisaziun tocca pro'l svilup economic. Cün roba da plazzas da lavur as redüa hozindi successivmaing. Da tschella vart crescha il bsögn da lezchas chi pon gnir accumuladas be da l'iniziativa individuala – prestaziuns innovativas, d'ütil public, culturalas, chi nu sun colliadas directamaing cün indemnizaziun finanziala chi fan però sen. L'entrada sainza cundiziuns es ün motiv plü pac da na far nüglia che chi'd es per minchün la dretta. I's tratta d'ün pass consciant chi sviluppa la società avverta sül nivel dal temp.

Il prosem inscunter ha lö in sonda, ils 3 marz 2012, 09.30, hotel Belvédère a Scuol. Quella jada gnarà eir preschantà ün cudesch chi descriva precis l'istorgia e l'idea da l'entrada fundamentala sainza cundiziuns. Ils auturs saran quella jada preschaints persunalmaing.

www.grundeinkommen.ch
www.initiative-grundeinkommen.ch

■ ENGIADIN'OTA

Cussagl cumön di gea al plan directiv

(rrr) Il cussagl cumön ha ditg gea al plan directiv regional per l'Engiadin'Ota. Quai cün 23 encunter 5 vuschs. Il parlament regional ha acceptà il plan directiv senza grondas discussiuns. Unicamain las pussaivladas da svilup da la gestiun existenta si Muottas Muragl han dà chachun per discussiuns. Il plan directiv regional sto uss anc vegnir acceptà da la regenza grischuna.

Prelet ouvras e texts na cuntschaints

Jacques Guidon e Leontina Lergier-Caviezel i'l Chesin Manella

DA ROMANA DUSCHLETTA / ANR

■ **Da dudir üna prelecziun da texts chi nu sun mai gnüts publichats es captivant. Scha quai sun perfin texts da scriptuors cuntschaints es il plaschair amo plü grond.** «Ils texts ch'eu n'ha prelet hoz al public qua a Schlarigna sun be cuorts e nu sun perquai mai gnüts publichats», ha declerà *Jacques Guidon* in marcurdi saira i'l Chesin Manella. El es nat dal 1931 a Zernez sco figl da paur. Hoz es el cuntschaint sco pittur, caricaturist, redschissur, redactor, editur dal Chardun e naturalmaing scriptur. Ch'el nu prevezza neir na da tils publichar, ha'l cuntinuà. Eir la scriptura *Leontina Lergier-Caviezel* ha prelet texts ch'ella nun ha mai publichà. Ella, chi'd es nada dal 1956 a Vrin e chi ha vivü a Genevra, New York, Wengen, Sedrun ed a Puntraschigna, viva uossa a Rüfenacht. Dal 2011 es gnü publichà il cudesch «Nus duas». La scriptura ha in quell'ocasiun scrit ün roman chi nu mütscha da la realtà e da la dolur: «In quel cudesch vain per uschè dir miss il daint aint illa plaja», ha la declerà. In seguit a sias explicaziuns ha la eir prelet alch texts our da quell'ouvra.

Dal «clischè» fin a las «lavazzas»
Las bundant 30 audturas ed audtuors da

vazzas». Las «lavazzas» sun üna spezcha da föglia chi creschan sülla prada e paschs. Il pled po però eir s'ignifichar uraglias. «Tscherts plets dal minchadi dals temps passats stuvessan gnir dovrats plü suvent eir illa vita moderna», füss ün giavüsch da la scriptura.

capita d'innar cha bundant 30 personas chattan la via pro las occurrenzas chi vegnan organisadas i'l Chesin Manella. Cha quai til fetscha evidaintamaing plaschair, ha'l dit cun tschera riantada. Ils inscutters organisats suot la bachetta da l'Uniu dals Grischs a Schlarigna han tenor el plüs böts: «Per l'üna preschantar ad artists e lur ouvras, per l'otra da muosar al public la vasta paletta da cudeschs ed otras ediziuns rumantschas chi sun expostas illa chasa.»

D'innar pudü bivgnantar ad uschè bieras personas
Il responsabel e manader dal Chesin Manella, *Pol Clo Nicolay*, ha mania chi



Leontina Lergier-Caviezel e Jacques Guidon han preschantà expressiuns specialas our da lur ouvras chi nu sun mai gnüdas publichadas.

FOTOS R. DUSCHLETTA

LA QUOTIDIANA

Editura: Súdostschweiz Presse und Print AG
Editur: Hanspeter Lebrument
CEO: Andrea Masüger
Schefredactor: Martin Cabalzar

Redacziun
Agentura da Novitads Rumantscha (ANR):
Flurin Andry (fa), Gieri Antoni Caviezel (gac),
Claudia Cadruvi (vi), Martina Fontana (mfo), Hans
Huonder (hh), Susi Rothmund (sr), Gion Nutegn
Stgier (gns), Giuseppe Venzini (gv).

Collavurators redacziunals:
Andreas Cadonau (ac), Giuseppe Capaul (gc),
Lucas Deplazes (ld).

Adressas redacziunals:
La Quotidiana, Via comerciala 22, 7007 Cuira,
tel. 081 920 07 10, fax 081 920 07 15,
mail: redaktion-lq@suedostschweiz.ch

Agentura da Novitads Rumantscha (ANR)
Via da Masans 2, 7000 Cuera,
tel. 081 250 48 00, fax 081 250 48 03,
mail: anr@spin.ch
Surselva: tel. 081 936 47 00, fax 081 936 47 01,
mail: surselva@anr.ch
Engiadina: tel. 079 218 27 60, fax 081 856 11 59,
mail: engiadina@anr.ch
Surmeir: tel. 079 430 69 30, fax 081 684 32 82,
mail: surmeir@anr.ch
Sutselva: tel. 081 258 32 68
mail: sutselva@bluewin.ch
Tgöls postal, 7432 Zirán

Editura Súdostschweiz Presse und Print AG,
Via da la caserna 1, 7007 Cuira;
tel. 081 255 50 50, fax 081 255 51 10
mail: cmoser@suedostschweiz.ch
Servetsch d'abunents e da distribuziun:
tel. 0844 226 226, mail: abo@suedostschweiz.ch